

Cumpetënza tla rujenedes

Tla scoles mesanes ladines iel unì analisà la cumpetënza tla rujenedes a na maniera da pudèi urienté l nseniamènt



Le unì prejentà i resultac dl'analisa dla rujenedes tla scoles ladines; da man ciancia: Roland Verra, Lois Ellecošta, Manfred Gross, Rita Franceschini, Pasquale Della Rosa y Rosmarie Mussner.

Scola - I resultac dl lèur científich fat n cunlaurazion cun esperc universiteres ie unìc prejentè ai 12 de nuvèmber tl'Università a Persenon. Paredlan la medema analisa che fova unida fata per la scoles elementeres iel unit ora che tla rujeneda ladina pòssen ngrandi la varietà, mantenì l bon livel dla rujeneda tudèschia y miurè l lessich n cont de verbs taliani. Sculeies ladins scrij per tudèsch pensiero plu lonc che a sculeies tudèsc de

Fluses.

La grupa de lèur cun 17 esperc se ova tèut dant de fé n'analisa dla cumpetënza linguistica di sculeies ruvei ala fin dla scola mesana che n possa paredlé cun chëla che n ova fat l ann passà per i sculeies che à finà la scola elementera. Nsci iel unì analisà la cumpetënza tl scrit y chësc dal pont de ududa dla cumpèida dla paroles. Per paredlé la cumpetënzes tla doi valedes ladines, ma nce cun la scola tudèschia

a Fluses y taliana "Dante Alighieri" a Bulsan, àn analisà 300 scric de ejam di sculeies ladins.

Marueia fej i resultac n con' dla rujeneda tudèschia. Permez ai sculeies de Fluses scrij i sculeies ladins pensiero plu lonc, de na majera cumplexità y cun feter l medemo lessich. Autramènter che pra l'analisa tla scola elementera, ie chësta tendënza da udèi te tramedoi valedes ladines. La cumpetënza tla rujeneda taliana, paredleda cun sculeies taliani a Bulsan, ie dëibla n con' di verbs. I sculeies ladins scrij per talian pensiero plu curc, manco pensiero subordinei scebèn che l lessich ie feter unfat. Sciche bele pra l'analisa dla scoles elementeres iel unit ora che i sculeies dla Val Badia se fej plu saurì tl talian che chëi de Gherdëina. N con' dla cumpetënza tla rujeneda ladina vèniel tla Val Badia adurvà plu paroles te n pensier, te Gherdëina perchël plu pensiero subordinei. De cunseguënza ie i pensiero scric te Gherdëina plu curc y tla Val Badia de majera cumplexità.

I sculeies dla scoles mesanes ladines adrova tla rujeneda ladina la majera cumpèida de paroles te n pensier. Al segundo post ie la rujeneda tudèschia dan l talian. A Urtijèi àn usservà che la desfrënziez danter la rujenedes ie te chësc cajo mèndres permez al'otra scoles






Da plö co 35 agn fistidiunse da i condü al setur gastronomic leç, bianciaria, coltrines y cîsces.

Gnide instësc a i ciarè a nûsc produc y i odorëis che le raport anter rendimènt y prisc é bun.

I s'arjgnun incé n preventif zënza impëgn. Cherdedenes sô sce i orëis avëi val' mostra o scriedenes na email.

BORNECH
Str. Rienzfeld 30
GEDi-Center
Tel.: 0474 47 62 22
www.commint.it
info@commint.it



ladines.

Paredlan i resultac danter elementera y mesana iel n generel unì fat vares inant, ma nia tl lessich. La cumplexità tl scrit ie aumentada. Miureda ie dantaldut la cumpetënza tla rujeneda tudèschia. "Tlo vâla de mantenì l livel aut y miurè l lessich," à dit la profressëura Franceschini. Per l talian vâla de miurè te plu ciamps, dantaldut l lessich di verbs. Permez al'elementera iel tl talian unì fat i mèndri vares inant. La majera cumpetënza resta tla rujeneda ladina, dan al tudèsch y talian. Tlo dëssel unì laurà sun na majera varietà de tesç - nsci i esperc.

Manfred Gross dla Scola Auta de Pedagogia dal Grischun à prejentà na tel nrescida che n à fat te n valguna scoles elementeres di Grijons.

"Chisc resultac ie de gran mpurtanza per nêus per urienté l nseniamènt dla rujenedes" à sorissà l ntendènt Roland Verra pra la prejentazion. Chësta evaluazion à da n fé cun la cumpetënza tl scrit. Per avèi n cheder plu generel adurvëssen nce n tel lèur ti autri ciamps dla cumpetënza de rujeneda. L'analisa dla rujenedes ie unida fat te na gran cunlaurazion danter l Assessorat Provinziel Ladin y la Ntendënza Ladina, l Istitut Pedagogich Ladin y l Istitut Culturel Micurà de Rü. La pert científica ie unida fata dala profressëura Rita Franceschini dl Zënter de cumpetënza linguistica dl'Università de Bulsan y l profressëur Pasquale Della Rosa dl'Università Vita-Salute San Raffaele a Milan. (usp)